

علوم اقتصادیه و اجتماعیہ

مجموعہ علمکار

مز آیک برنجی کوئی نشر اول نور

مؤسسی

احمد شعیب ، رضا توفیق ، محمد ہاریر

مقدمات

پورسہ معاملات . — حقوق اساسیہ بہ مسئل : رضا
توفیق . — روسیہ : احمد شعیب . — فردیون و فوضاویون :
بدیع پوری . — حکومت و حریت ختمندہ سینئرک فلسفہ سی :
رضا توفیق . — فرانسیہ اغلال کبری : احمد شعیب . —
سوسالیزم ختمندہ تشیقات : علی کامی . —

مدیر و صاحب امتیازی :

محمد ہاریر

نظمی : ۱۰ غروش

استانبول

امور اداره و تحریر : ملینہ مطہری

۱۳۲۶



تبعات محیطیه و عثمیه

بر رئیس مشترکدن محروم و یکدیگر نندن مستقل اولان کلیسای حکومت
جسمانیه نك نفوذینه دها زیاده تابع اوله جقلری کبی لائیك بر جمعیت
داخلنده وقوع بوله جق اختلاللرك عكس صدمه سنده دها زیاده هدف
اولورلر . اونلرك تشکیلات داخلیه وخارجیه لری دائماً ایچنده یاشادقلری
شكل حکومته توافق ایدر . دائره حریتی تبعیه بخش ایدیلن حریات
عمومیه نسبتنده در ؛ شكل اداره سی ده دولتك طرز اداره سنه مربوطدر .
یزانس و روسیه ده اوتوقراسی بی وجوده کترین کلیسانك تابعیتی دکدر ؛
چونکه بوتابعیتی تولید ایدن اساساً بالذات اوتوقراسی در . شوراسنی هینچ
اونو تماملیدر که روس کلیساسی تاریخنك مقتاحنی آئنده طوتان اوتوقراسی در .
بی پایان بر نفوذه مالک بر چارک یاننده ، نامحدود بر اقتدارك ظل تحکمی
آئنده بویویه ن کلیسا اوکا کوره بر شرائط موجودیت یاپار . هیچ بر شینك
حر اولمادیغی بر دولت داخلنده تماماً سربست بر کلیسا تصور ایدیله من .
بر اوتوقراسینه حکداره وجناب حقه عائد اولان حدودلر ناصل تحدید
اولونابیلیر ؟ پاپالریله روم و جرمن قیصرلرینك تابعیتدن قور تولدقدن صکره
کندیلرخی مستقل حس ایتمشلردر . بر اوتوقراتك مواجهه تحکمنده
پاپالق اولاماز . وقتیه پاپالرده نه قدر آغیرتکاپوی ذلیلانه یه قاتلاماشلردی .
روس کلیساسی ایسه عصرلرجه مدت بر حکومت مستبده ایله حال تماسده
بولونمشدر . البته بنیه تشکلی یومناسبتدن متأراولمشدر . روم ایمپراطورلغنك
سقوظنی متعاقب کندیلرخی شرق ایمپراطورلغنك وارث یکانه سی عدایدن
چارلر ایمپراطورلغنك بوتون مدعیات و مراسمی آلمشلردی .

بوتون حیاتی بزه دوتوز عصرلق بر اویقودن عبارت. کچی کورون
 روس کلیسانک فعال، ذبحیات واکثریا خفیع بر موجودتی واردر.
 بوموجودیت مناسبات خارجی واداره داخلی سی نقطه نظرندن درت
 صفحه به تقریق ایدیلیر. برنجیسی استانبول پاطریقلکنه تابعیت دائمه
 دوره سی؛ ایکنجیسی موسقوا کلیسانک پیدرپی مختاریتی قازانمايه
 چالیشدینی دوره موقت؛ اوچنجیسی اعلان استقلال ایله پاطریقلق
 صفحه سی وصوکنجیسی ده الیوم دوام ایدن سن سینود اصولی در. بویوک
 پرنسیر کچی کیه فده اقامت ایدن متره پولیدلرایلک دوره ائسانسده استانبول
 پاطریق طریق طرفندن دوغریدن دوغری به نصب ایدیلیردی؛ بونلر اکثریت
 اوزره مملکتک لسان واداته بیکانه روملردی. بعض کنازلرک بومر بوطیتی
 قطع ایتک نشیئرینه رغماً روس کلیسانی اوزمان ییزانس پاطریقلکنک
 برولایتندن باشقه برشی دکلدی. تاتاراستیلاسی وروس مرکزسیاسینک
 دینیر سواحلدن وولغا حوضه سنه کچمه سی اوزرینه ییزانس ایله کریمه سی
 آراسنده کی رابطه کوشه دی. واقعاتر پولید هنوزوم پاطریقنه تابع ایه ده
 حائر مختاریتدر. کندیسی روس پاپاسلری طرفندن منتخب ومأمورتی ده
 طرف حکمداریدن مصدقدر. پرنسیر آراسنده کی محاربات داخلیه وبالاخره
 تاتار تحکمی رهبانک تراید نفوذینه خدمت ایدیور. چونکه رؤسای
 روحانیه کنازلر آراسنده کی اختلافنه حکم اولویور ویا مستولی به قارش
 آوقاتلق وظیفه سی کورویورلردی. مملکتده بر چوق پرنسیر واردی؛
 لکن یالکز بر متره پولید موجوددی. حکمدارک اقتدارندن زیاده
 متره پولیدک نفوذی چوقدی. حکمدار رئیس روحانی فی قورویارق اونی
 کندینه بر متفق، بوتیقهنه بر آلت یایمقی مجبوریتده ایدی؛ سلسله
 مراتبک اتحادی فعلاً اتحاد سیاسی فی حاضرلمشدر. موسقوانک مؤسسلری
 میانده متره پولیدلرده ذکر اولونابیلیر. بودور احتمالکه روس کلیسانک
 اک پازلاق، اک شبانی بر زمانیدر. بو بر دوره قهرمانانه در. بو، اک
 بویوک اعزهنک، الکساندرولوسکیلر، آلکسیلر، سرژلر زمانیدر.

موسقوا متره پولیدلری روسیه نك اتحادینه یاردیم ایتدکلری ائنده
 لیتو آنورله اداره سنه کچن اراضیده باشقه بر متره پولیددها میدانه چیقوردی.
 ایکی کلیسا اولویوردی: لیتو آنی پرنسلی ده اولا کیه فده و بالا خره ویلناده
 موسقوا به رقیب بر متره پولیدلک وجوده کتیر دیلر. و بووائینیت اون یدنجی
 عضرک نهایتنه قدر دوام ایتدی. سلسلهء مراتبده اتحاد ایدن کوچوکک
 بویوک روسیه به التحاق ایتمه سی لازم کلدی، مختلف نفوذلره تابع اولان
 ایکی متره پولید مختلف فکرلره متحرک ایدیلر. تربیه سنه کوهن کیهف
 موسقوا به قبالتی، جهالتی، مراسم پرستلکنی تعیب ایدیوردی.
 استقلالنه مغرور اولان موسقوا ده کیهفک اورتودو قسلغندن شبهه ایلویوردی.
 قاتولیک پروپاغاندا سنه قارشى دورمقله برابر لاتینلره مناسبته بولونان
 غرب متره پولیدی آوروپا افکارینک تأثیراته دوچار اولمقدن خالی دکلدی.
 روس کلیسا سنک اک بویوک سیلاری کیهفه مربوطدر. باشده متره پولید
 پی بهر موغیلا کلیر. بو ذات اورتودو قسلغ اک بویوک پستقوسلرندن بریدر.
 تحصیل پارسده در. شرق مشهور اورتودو قس قونفسیونتی ایشته سوربونک
 بو طلبه سنه مدیوندر. لهستان تبعه سندن اولان موغیلا به بویوک پی بهرک
 مبشرلرندن بری کچی باقیلا بیایر، او، بوکا کسب استحقاق ایتمشدر.
 موغیلا ده یاریم عصر اول پترویه کیهف آقاده میسند معاونئر حاضرلمشدر.
 کیهف متره پولیدلکی موسقوا پا طریقه لکنه التحاق ایتدیکی زمانده ده ینه
 موغیلا سایه سنده برنجی روک کوچوک روسلرک ائنده قالمشدر.

تاتار ربهء اسارتندن اوتوقراسینک قورتولماسنی متعاقب کلیسا اسکی
 اهمیت و نفوذینی غائب ایتمشدر. مدھش ایوان ده بویارلر کچی رهبانه حقارته
 باشلادی. حتی متره پولید فلیب ایوانه وقوع بولان اختارات خیرخوا-
 هانه سی اوزرینه موقعندن اولدی. اساساً موسقوا کلیسا سنک یکانه رئیس اولان
 متره پولید بر اوتوقرات قارشیدسند حائر اهمیت بر شخصدی. ۱۵۸۹ ده
 پرنسک فردای وفاتنده روسیه بر پا طریقی ایستهدی. بو چارک آرزوسندن

منبعث بر کیفیت دکادی؛ بلکه کنیدی ایچین حکمدارلق قوران بر آدمک محصول تفکریدی . پاتریقک ده استرقاق کبی عینی تأثیر آلتند و عینی زمانده تأسیس ایدلدی . ایشته بوایکی تدبیرله بوریس غودونوف زادگانله رهبانی کندی طرفه جلب ایتمک فکرنده ایدی . مقصد روسیه یی خارچک تأثیرات دینه سندن قورنارارق موسقوا کرسیسی شرق متره پولیدلکبری پایه سنه یو کس لتمکدی . بونک ایچین سرد ایدیلن بهانه ده پک معقولدی . موسقوا صوک زمانلرده اوقدر بویومشدی که کلیساسنک فنار پاتریقخانه سی معرفیه اداره سی همان غیر قابلدی . هم استانبول تورکلرک آله کچمش و روم پاتریق ده پادشاهک تحت تابعیتنه کیرمشدی . روسیه ایسه یالکز اک بویوک اورتودوکس دولت دکل اجنیتک ده هر درلو تحکم ومداخله سندن وارسته ایدی . استقلال رهبانیتک ایسه استقلال سیاسی یی تعقیب ایتمه سی طبعی بر وقعه در ؟ بو ، استانبول ایمراطورلنی میراثنک موسقوا یه نقلنک ایکنجی پرده سی ایدی .

موسقوا اوچنجی روماییدی . صدقه طوپلامق ایچین روسیه یه کلن پاتریق ژوره می روسلرک بوتون مطالباتی قبول ایتدی . احتمالک ژهره می فنار یرینه موسقوایی ترجیحاً اوراده اوطوره جقدی . لاکن غودونوفک نقطه نظری باشقه ایدی . تصورات ذاتیه سی ایچین ضاصب غودونوف برروسه محتاجدی . بناء علیه یوب نامنده بری پاتریق اولدی . وموسقوا پاتریق یه کی ده آرتق صرف ملی بر شکل آلدی حق قضاسی ایمراطورلنک حدود سیاسی داخلنده ایدی . قونسیل حالنده طوپلانان روس پستپوسلری رئیس لرینی انتخاب ایلورلردی . اکثریتی قازانان اوچ نامزددن بری قرعه کشیده سی صورتیه پاتریق اولویوردی . اساسنده پاتریقک امتیازاتی ده متره پولیدک امتیازاتی کیدی . یالکز ده فاضله بر حرمت واعتباره مالکدی . متره پولید کبی پاتریق ده کلیسا محاکمک رئیس ایدی . بو کلیسا محاکمی رهبانیه متعلق ایشلردن ماعدا نکاح ونفقه دعوالرینی وبویوک پی یهره قدرده

میراث و وصیت اموری ریتی ایدیوردی . پاتریقك مصارفنه قارشولق
اولهرق زنکین مناسترلك وواسع مالكانهلك وارداتی غصصدی . چار
کبی پاتریقك ده سرانی ، بویارلری ، ضابطلری ، مأمورین اداریه سی ،
محکمه لری ، قلملری واردی . او ، عادتاً برنوع حکمدار روحانی ایدی .
ایشته بونوع امتیازاته مانك برپاتریقك تأسیسی کلیسایه تأمین استقلالدن
زیاده برونوق ویردی . لاکن استامبول ایله آرتق مناسباتی منقطع اولدیغندن
حال انفرادده قالدی .

واقعا کلیسا چارلردن ماعدا هر درلو حکم و نفوذ اجنبیدن تور تولدیهده
حکومت ملکینهك تشبثاته بر آلت اولدی . پاتریق ایمراطورلغك
حدودی داخلده محبوس و اتوقراتك قارشیشنده یاپ یالکزدی .
اتوقراسی نتیجهده یاوردیکی امتیازاتی کری آلهجی ویا معجز برقوت
کبی کندیشنی بوس بوتون اورتادن قالدیراجقدی . فی الحقیقهده بو شکل
برعصردن زیاده دوام ایتمهدهی . (۱۷۰۰ - ۱۵۸۹) .

پاتریقلكك تولدینه باعث اولان سبب اونك بویوك بررول اویناماسنده
مساعده ایتدی . حکومت ملکینهك دوچار ضعف اولدینی بر زمانده
کلیسانك مین تنسیقاتی روسیه ایچین بر نعمت ایدی . پاتریقك خاصبرك
آنارشیندن مملکتی قورتارارق رومانوفلرک مقام سلطته کلرینه چالیشدی .
ایلك دورهده روسیه یی انحالاندن ویا تحکم اجنبیدن تخلیص آیهدهی . ایکنجی
دورهدهده رومانوفلر بر طبیعت اساسیه دینه و پدرانه ویردی . پاتریق
بوب غودونوفك تحته انتخاب ایدلمه سنك باشلی محرکیدر . فقط بالاخره
مقامندن ساخته دیمتری طرفندن طرد اولوندی . میشل رومانوف زماننده
ایسه چارک پدری ، پاتریق فیالرت اداره حکومت ایدیوردی . اتوقراسینك
وختاندانك مؤسس حقیقیسی بو ذاتدر . وقیله اوراق رسمیهده چارله برابر
پاتریقك ده امضاسی واردی . علكسی زماننده پاتریق نیتون هر ایشه
قاریشیوردی . او قرانیانك التحاتی مسأله سنه ، قازاقلرک صورت انقیادینه

اوقرار ویرمشد. نیتون احتمالکدر روسیه نك بویوکنی یهردن اولیتیشدیردیکی
 اَك بویوک آدمی واورتودوقسلغكده طومابکتی در . نیتونه روسیه ایلك
 وصولدفعه اولقی اوزره حکومت روحانیه ایله حکومت جسمانیه نك اختلافی
 کورویور . اکثر ملی مورخلر نیتونك حرکتی شدتله مواخذه ایدرلر .
 مع مافیة نیتون شرفده بی مثل برسیادر . محیطك پك نوقنده اولوب وسعت
 معلومات واستقلال طبعی اعتباریله ده شایان حیرت بر آدمدر . حقنده
 دینه بیلیرکه نیتون ، روما مناسترلرندن موسقوا پاطریقك کرسیسنه کچمش
 برعرب رئیس روحانیسیدر . شرق وغرب کلیسالرنك اسقولاستیک بوتون
 نظریاتنه واقعدر . دولتك کلیسا اوزرنده کی تقوقی خرسستیایته مغایر
 کورویور . حکومت روحانیه نك لزوم تقدمندن بحث ایله هر ایکی قوتك
 یکدیگریته لزومندن بحث ایدیور . مصالح رهبانیه اداره سنك چارطرفندن
 کندیسنه تودیع ایدلیدیکی نظریه سنی قطعاً قبول ایتیمور . فقط بو مبارزده نك
 نتیجه سنده نیتونك دشمنی اولان بویارلر اختلافك حلی برقونسایه حواله ایتدیلر
 و مجلس ده پاطریقك دعواسنی رد ایدرک عزله قرار ویردی . نیتونك مغلوبیتی
 دولتك کلیسا اوستنده کی تقوقی تأسیس و پاطریقك عزلی کیفیتیه ده
 پاطریقكك الغاسنی تهیه ایتدی . نیتونك « لینورثیک » اصلاحاتی
 قبول ایتمه ن « راسقوللر » رسمی کلیسای ملتك بویوک بر قسمی اوزرینه
 اجری نفوذدن محروم آیلدهدی . و بونك اوزرینه کلیسا ملده غائب ایتدیکی
 نقطه استنادی تختده آرامایه مجبور اولدی . بویوکنی یهر طرفندن
 پاطریقك قالدیرلینی زمان پاطریقك حکم و نفوذی ذاتاً حال انحطاطده
 بدلونیوردی .

§ روسیه ده صنف رهبان یالکز برهیأت دکل عادتاً برنوع « قاست » در
 پك چوق زمانلر مسدود اولان بو قاست قومی تقریق ایدن درت و یاش
 صنفدن بریگی تشکیل ایدر . بوده بالذات بیاض رهبان سیاه رهبان اولقی
 اوزره ایکی یه منقسمدر . اولکیلرک باشلی علامتی شایقه لرندن آشاییه

دوغرو صارقان بیاض سیاه تولدر . بو ایکی صنف رهبان آراسنده فرق
 اساسی نکاحدر . سیاهلر اولنه مزلر . بو ائینیتیه بوتون شرق کلیسالرنده
 تصادف اولونور . یالکز مهله کینلرده تأهل جائز دکلدر . بوتون شرق
 کلیسالرنده پسقوسلق پایه سی بکارلره منحصردر . اشته سیاهلرک بیاضلره
 قارشی تحکمی و آرالرنده کی رقابت بوندن دولاییدر . بریسی ایچین اولنمک
 نه درجه مجبوری ایسه دیکری حقندهده بکارلق او درجه ضروریدر .
 ایکیسی آراسنده قالدین ، برسد تشکیل ایدر . بوسد یافوات و یاخود
 نادراً رضاء طرفین ایله آیرلق صورتیه ییقیلایلیر . بو ایکی نوع رهبان
 بیتنده کی اختلاف منافع اولنری مبارزه نفوذ سوق ایتشدیر . بری
 عنعنات تاریخییه و اوتوریتیه دوغرو دیکری ده تجدد و حریتیه دوغرو
 متوجهدر .

مناسترلر و کشیشلره کلنجه بونلر چوقوقت روسیه نك موجودیتنه
 پك مهم بر موقعه مالکدیلر . بوکون بیله او واسع مناسترلر روس تاریخینک
 اُک شایان حیرت آبدلریدر . هیچ بر مملکتده کشیشلرک رولی روسیه ده
 اولدینی قدر مهم دکلدی . لاکن او ، بر چوق قونغر غاسیونلره ،
 طرق مختلفیه انقسام ایدجکی یرده اسکی ساده لکنی محافظه ایتشدیر .
 بر چوق نقاطدن دینه بیلیرکه روسیه ده کشیشلک حال ابتدائیه قالمشدر .
 هرشی کبی شرق مناسترلرینک روح و فکری ده غربدن دها آاز متحول ،
 دها آاز متنوع و ولوددر . شرق مناسترلرک اوروپاده کی صفحات ابتدائیه سنه
 سن برنار یاخود سن دومنیق و سن فرانسوادن اولکی حاله واقفدر .
 اوراده اکثر مناسترلر دعا و مراقبه ایچون مؤسسدر اولنر مبارزه ایچون
 بر نقطه یه طویلانمق احتیاجنده دکل بلکه دنیسادن و مبارزه حیاتدن
 قورتولمق فکرینه مستنددر . روس کشیشنک نظرنده نه فعالیت
 فکریه ، نه سبی دستی ، نه مرحمت و نه ده پروپاگاندا واردر ؛
 او ، یالکز سلامت ذاتیه سیله زماننک کناهلرینی دوشونور .

روسیه ده و بوتون شرقده مناسترلرده دائر سنت بازبلك نظامنامه سی حکمفرمادر، اعتقاد خصوصنده اولدینی کی حیات دنییه حقنده ده روملك کندیلرینه و یردکاری قواعد برشی دهاعلاوه ائتمه مشلردر. روسلرده خاص بر طریق وجوده کله دی. واقعا روس مناسترلی ازمنه مختلفه ده بعض نوع اصلاحات اجرا ایتدیلر سده اساساتی دائما خارجدن آلدیلر. لاتین عالمی تحریک ایدن جدالجو و سیاسی او بویوک کیشیش سیالرینی روسیه طانیمادی. کیشیلر موجود، لاکن طرق مذهبيه مفقودی. مناسترل واردی؛ فقط هربری آیری آیری بر حکومت روحانیه تشکیل ایدن فده راسیونلر یوقدی. بناءً علیه روسیه ده کی کیشیلر غربده اولدینی کی جمعیت ومدنیته نه عینی خدماتی ایفا ونه ده عینی مشکلاتی ایقاع ایتدیلر. مع مافیه مناسترلرک پک آرتنوعی ایله برابر تاثیراتی ینه پک عمیقدر. اولر قومک وروس تربیه سنک تشککنده بویوک بررول اوینادیلر. قبائل وحشییه یی خرستیان ایدن، باکر اورمانلری آچان کیشیلردر. روس مستعمرلرینی شمال وشرق سکون ووحشته جلب ایدرک بر چوق شهرلرک تملی وضع ایتدکاری کی اکثر ینایرلرده ابتدای امرده بر مناسترک قاپوسنده باشلادی. ومناسترلر روم پاپاسلری معرفتیه ییزانسدن کتیریلن ادبیاتکده ملجائی اولدی. کیشیلر طرفندن میدان چقاریلان بر مملکت وارسه اکر دنیاده اوده یی شبهه روسیه در. نستور وایلك وقعه نویسان اثرلرینی مناسترلرده یازمشلردر. مناسترلر هر یردن زیاده روسیه ده ها ملی بر طبیعت اساسیه یی حائر در. تاتارلره، لهیلره قارشی وقوع بولان محاربه لرده مناسترلر ملیتک اُک باشلی استحکاماتی وخرستیانیّتک اُک مهم عواملی ایدیلر. روس مناسترلی برقله ایدی. محاربه نشانه لری الیوم دیوارلرنده مریدر. بونلر وروس قرون وسطاسنک متین شاتولری در. مناسترلر صنعت نقطه نظرنده کوزل دکلسه ده کیشیلر هر مملکت کی روسیه ده ده اُک کوزل موافقی اتخاب آیه دکارندن بونقطه دن شایان تماشادرلر.

بو کون ایمپراطورلوقده بیکلرله راهب و راهبه‌نی زیر سقفنده طوپالایان مناسترلرک عددی ۵۵۰ در. واقعا بو، قاتولیک فرانسه‌دن ۶۵۰ کره آزد. روس مناسترلری رسماً ایکی صنفه منقسمدر. بر قسمی طرف دولتدن معاونت تقدیه مظهر اولانلر دیکری ده دولتدن هیچ برشی آلمایانلردر. اولکیلر ده زیاد حائز اهمیت و عدداً کثیردر. بومناسترلرده آیری اوچ صنفه آیریلیر ... روس مناسترلری اراخیلیرینک قسم اعظمی غائب ایشلار سده اموال منقوله لرینی و عصرلر دئبری و یریلن هدایای محافظه آیه مشلردر. ایتالیا و اسپانیاده کی مناسترلرک درجه ثروتی روس مناسترلرینه نسبتله پک دوندر. اعزده نک صندوقه لری آلتون و کوشدن اولوب مزینات مقدسه و تصاویرده انجیلرله و ذیقیمت طاشلرله پیرایه داردر. اقشه نادره و هر نوعدن آثار صنعت بی مثل بر موزه تشکیل ایدر. بوتون بو ثروتلر تصاویر و اعزده حائدر. کشیشلر یالکیز اولارک مقدم محافطلیردر. و قتیله مناسترلرک جسیم مالکانه لری ده واردی. اراضی و قرا ذیقیمت طاشلر کی آللرنده طوپالانمشدی. هر مملکت کی روسیه ده نتیجه ده کلیسا املاکنک توسعنی منع مجبور اولدی. مناسترلرک املاک و اراضی او قدر چو ظالمشدی که دولت ده اون بشنجی و اون آلتنجی عصر دن اعتباراً اندیشه ایتمهک باشلامشدی. روریک خاندانک صوک پرنساری مناسترلرک اوقافنه بر حد تعیینده تردد ایتمه دیلر. اوچنجی آیوان نوغور و دده کی کلیسا و مناسترلرک املاکنی مصادره صورتیه آللرندن آلدی. مدھش آیوان زماننده ۱۵۷۳ قونسیلی آک زنکین مناسترلرک یکیدن املاک و اراضی تصرف ایتمه ملرینه قرار و یردی. ونهایت ۱۵۸۰ قونسیلی بومنوعیتی بوتون مناسترلر اشمال ایتدی. ایشته دولتک مناسترلر معاوتی بومصادره دن دولایی در. شیمدی مناسترلرک باشلی وارداتی هدایادر.

روسیه ده اصل صنف رهبانی تشکیل آیه یں متأهل پاپاسلردر. بونلرک چو جوغلاری مدرسه لرده اوقودقدن صوکره طریقه کیرلر. پاپاسلرک

قیزلری راهب ملازملرینه نشانی اولدینی کبی بوراها بار ایچون پاپاس قیزی آله بیلرلردی. رهبانك اولاد ذکور و انائی صنف رهبانیتدن چچه رق خارجده اولمه لری ایچین برمساعده آلمق لازمدی. و بوضورتله روس رهبانی عاآله سیله برابر پیدرپی بر حقیقی « قاست » تشکیل ایتدیلر. و صنف ممتازده دن عد ایدیه رك خدمت عسکریه دن، تکالیف شخصیهدن، مجازات جسمانیهدن معاف طو تولدیلر. رهبانك بو حالی اساساتك بر نتیجه ضروریه سی ایدی. آله کساندر سرواز اصولنی قالدیرمقله عینی زمانده ده صنف رهبانك اعصار دیده دیوارلرینی ییقمش اولدی ... بو کونده روس پاپاسلرینك باشلی جریحه سی جهالت و ضرورتدر. آسکیدن فرانسه ده ناصلسه شمیدی روسیه ده ده مذاهب بودجه سنه بر دین ملی کبی باقیلا بیلیر. کلیسایه ایدیلن معاونت تقدیه وقتیه آللرندن آئنان املاک و اراضی یه قارشى کوچوک بر تضمیناتدن عبارتدر.

— مابعدی وار —

احمد شیب